

Wiekend in Mettendorf

[Jubileum: 50 jaor rapido](#) >> [Jubileumjaar](#)



Met 47 man/vrouw vertrokke we naor Mettendorf in de Eifel veur 'n gezellig wiekend.
Neet allemaol tegelièk netuurlik, maar veur en nao melde de gaste zich in Hotel Kickert.
Van Frans of Hay kreeg idder de sleutel van ein nettes Zimmer.
In die moëje umgaeving met good aete en drinke en prima waer kós 't wiekend eigelik al nimmer kepot.
Sôms kumpse minse taege die dich sterk aan emus van vruuger doon dinke, zoë aust in Mettendorf.

't Zoëgenaamde "Aha Erlebnis".

Beej aankôms in Hotel Kickert zoote d'r 2 alte taarte in de royale boerehaof.
Netjes aangetrokke, tasje op de taofel, kôffie met 'n kukske veur de neus en breiwerkske in de hand.
't Waar un jöngere versie van de dames **Wendehorst** oët Venlo.
Ze sprooke Duits, we zoote tenslotte in de Eifel, 't ware 2 zuskes en ze hoote Sjaan en Heini.
Heini waar 'n bietje 'n kring en erg bazig taege eur zuske.

Ik heb eur det op zaoterdaag, in mien beste Duits, ens efkes ônder de neus gewreve en gezag dat det neet leuk euver kwaam.

Ik gluif det 't geholpe haet.

Op Zôndaag kwaam ze mich bedanke veur 't advies en ze had Sjaan zelves de paténtsteek geliërd beej 't breie.

Zoë zusse maar weer, de bis noëts te ald um te lière !
Ôndanks eure laeftièd ware ze volges mich toch op schöppé aos oët.

Ze hadde de gansen aovend sjans en probeerde de vreejgezelle te moeke met 'n lekker glaeske advocaat met slaagraum .

Later ging ze aust nog mini-wörsjes oëtdeile veur de kleine hônger.

Ik weit neet of ze d'r eine aan den haok geslage hebbe, 't zoel mich nik's verwôndere.
Ze kôste good moéle en manne zien dök met unne naate vinger te leime!



Aöpening met taart(e)

Vriédaagaovend woort 't wiekend geaöpend door die jöngé van Smeets same met de 2 duitse taarte oët "**Nirgendwo**."

Ze hadde toevallig allemaol kleier aan oët groëtmoders tièd, erg toepasselik.

Volges mich waar de sterken drank in de aanbieding beej "**De Lidl**".

Dus meus idder grupke met 7 man aan 6 kleine glaeskes ruùke en preuve en raoje waat d'r in zoot.

Ik heb nog noëts zoëvuel minse eur neus in 'n glaas zeen staeke.

't Waar lastig raoje: jöngé jenever, strohrum, enzian, enz., ut ruuk allemaol sterk, allein de kleur kin dich de gooje kant oët helpe.

Op Zaoterdaagmorge vertrokke we zoëas gewuënlik rônd half 11, idder met zien eige
 grüpke, veur 'n moëje wandeling van 10 km.
 D'r zoote diverse colletjes in de toch, good veur de conditie maar we hadde op den tièd unne
 stop um 'n opdrach te doon..
 Zoëas unne puzzel make, 'n foto raoje of de stop van 'n fles aaf stampe.
 De Nibbits ware beej de "**ALDI**" in de aanbieding.
 Dus meuste in elke groep 4 minse zich 'n halve täöt nibbit zoë snel meugelik naor binne
 proppe.
 Zaltloos dieet of neet, neet zanikke maar punte verdeene!
 Maud had 'n andere oplossing bedach, flink graaje in de täöt, in de hand de nibbit verpölvere
 en ut letste stökske opaete.
 Waat un vindingrièk menke, maar 't levert neet altièd
 waat op, jaomer hé.

De pauzeplaats waar ech geweldig.
 't Ofen- und Eisenmuseum in Hüttingen, prima passend
 in 't motto "Oët groëtmooders
 tièd".
 De verbouwde boerderie van Brigitte und Theo Lukas,
 noow un museum en allemaal erg präoper, waar met
 zörreg ingerich..
 Veur idderein stônd d'r un Schinke- of 'n Käseplatte klaor of van allebei wat.
 't Duits dictee veel un bietje taege, d'r woorte vreej vuol foute gemak.
 Maar good, noow haet meister Frans zich weer ens oët kinne kuure en 't roëje potloëd kinne
 gebroëke..



Truu in Hotel Kickert kösse lekker oëtröste in de groëte boerehaof met un kalt of werm
 drenkske.
 Den haof waar zoë groët det d'r nog gemekkelik 'n ganse Fanfaar rônd had kinne laupe.
 Weej hadde ôs eige joekskepel in aafgeslakte vorm beej ôs en die bliève d'r altièd beej zitte
 en sômmige staon.
 Op zaoterdaagaovend zootte die 2 alde taarte auk weer inens beej ôs aan taofel en hadde zich
 unne kaerel versierd.
 Hay, Frans en Theo krege nao 't aete alle dreej van de tantes un kadootje, zoëmaar.
 De res van de leeje woorte allemaal beej eur thoës in "**Nirgendwo**" oëtgenuuëjd veur un
 teske kôffie.

Jao, jao, volges mich hebbe die taarte ôs veur de gek
 gehalde, de riets toch neet zoë wièd veur un kale tas
 kôffie?
 's-Aoves brachte verschillende groepe nog 'n leuke
 veurdach, aangepas aan 't motto.
 Zelfs Sintermerte deej mei, waobeej de "Gevalle vrouw"
 'n zwaore rol had en dök meus valle.
 Sintermerte zelf trouwes erg vervaelend taege det
 mins en dét veur unne Bisschop.
 In Farce Majeure woorte de 3 Opa's in 't zunke gezatte.
 Opa Slivovitch, Opa Snorrewiets en Opa Isteriets ging
 vanzelf 'n bietje mièr rechop zitte.

Unne andere groep wis met 8 man de verschille tösse vruuger en noow good duudelik te make



in eure teks.

Ank vertelde efkes wie drök Opa's en Oma's ut hadde, ze meuste zelves un antwoordapparaat aanschaffe um alles gedreit te kriège.

Dees veurdach kint ge de ganse maond Mei van de site aafhaole as ge wilt, ze steit d'r apart op.

Helmie had later op den aovend 'n kort solonummer, waat un pruuk al neet kin doon !

Zôndaagmorge hebbe we met 25 man 'n aafzakkertje gedrônke in Prüm op ôs vaste stek beej de kerk, um 't wiekend langzaam aaf te bouwe.

Ein geslaag wiekend met


'n "**DREIFACHES HURRA FÜR DIE GEBRÜDER SMEETS**" en de aangetrouwde assistentes **ELLY EN MIA**.

Jônges, zônder ôch waar d'r gaar gen Rapido-wiekend !

Names alle deilnemers van herte bedank veur de organisatie en messchien vindt ge 't volgend jaor weer zôn gáat in de Eifel ?



Elly van
Elswijk



Onderwaeg naor morge....

Commentaren

Heb blickbaar wat gemis!! door H.Mans op 08-05-2010 om 16:09

Op de iertse plaats de complimente aan Elly veur de heldere oeteinzetting van de gebeurtenisse van ut weekend in de Eifel

Zoe te laese is ut ein daverend weekend gewaes

Gif mich noow vas op veur ut volgend jaor.

Hans Mans

stroewe door N. Timmermans-Winter op 08-06-2010 om 20:59

Elly, auk dit stökske haese weer meisterlik geschreeve.

Haes dich, dich trouwes auk aaf gevraog met wae die twieje "dames" in het huij hebbe gelaege op die rösplaats. Eure ganse achterkant waar "begreujd".

begreujd Hay Smeets door H. Smeets op 11-06-2010 om 11:57

Ik heb de kans gehad um nog wat verder te kieke en heb dus gezeen det eure veurkant ouk begreujt waas

Elly van Elswijk door Guest op 11-06-2010 om 18:47

Heb ik waat gemis, det is jaomer. Waomei waar de veurkant begreujd dan ?